

## MATTAQA'TEKEWUT 911 Ewe'wmn TTY

Ta'n wen etlewistuoq ala'lajik nujinsitmalsewinu'k wjit piamiw 170 tli'suti'l.

## MATTAQA'TEKEWUT 911 Ta'n tujiw nemitu'n Na'talitpiaq ke'sk pem-kwi'teken.

- Pska'si kikjuk ta'n eyrn, kulaman kisi-kinua'teketes wjit ta'n Na'talitpiaq nemitu'n aqq ta'n teliaq.
- Mattaqa'tekew 911.
- Kinua'tu ta'n wen etlewistuoq koqoey nenmn wjit ta'n eyrn.
  - Tlim ta'n teluisik awti kiswa elike'witewey awti, ta'n pem-lie'sip, aqq ta'n tett nika' eyrn.
  - Wikasik 100e'l kinua'taqnn elike'witewey awti pemien, kwile'n ewikasik tawiju eyrn – etekl ula te's newte'jk km wejien.



## Wejapmumk awtik ekinua'taqney wjit ta'n wikin?

Ankapte'n wjaptasiktn awtik ekinua'taqney wjit ta'n wikin tepkik aqq na'kwek kulaman apoqnmua'tijik wenik naqsi-we'ju'ltaq. Wape'kl kiljaqne'l nastekl musqnamu'k kinua'taqney maw-ne'taptmumkl.

Tlim msit wen kikuq kiswa ta'n etl-lukutimk ketlewe'kl kiljaqne'l ta'n eyrn. Wi'ke'n ta'n eyrn kikjuk mattaqa'tekew-iktuk.

## Tale'k kis-mattaqa'tekewjik 911?

- ✓ Elmiaq we'kwata'sin, kesnukwan kiswa nesutmn kutmo'taqn kiswa ta'n teleyin, toqo nuta'n ankmayiw apoqnmawuti.
- ✓ Mu kijjitu'n ketloqo Na'talitpiaqtn ta'n tela'teken – ta'n wen etlewistuoq 911 kisi-apoqnmultew kijjitud ketloqo nuta'n ankmayiw apoqnmawuti.
- ✗ MU na ula wjit koqoey pasik ketu'pipanikesin, nkutey ketu' pipanimjik nuji'kla'qa'lua'tijik ta'n telitpiaq koqoey ki's pem-maliaptmi'tij, kiswa ketu' pipanimjik nuji-nqasui'ka'tijik wjit koqoeyteliaq wutank.

Ke'sk maliaptmi'tij koqoey telamu'k etuk jel se'k Na'talitpiaq me'si-sapa'tu'tij mattaqa'tekn.


Wenik maliko'tmi'tij 911 kisi-msimaten aqq ilsumaten.

## Katu peji-mattaqa'tuan 911?

Mukk pe' mna'siw. Kinua'tu ta'n wen etl-lukwet 911 peji-mattaqa'tu'n 911. Elmiaq mu klulawj aqq skimtuk mna'sin ta'n wen etl-lukwet 911 mattaqa'tekewultew kiswa l'kimataq nuji-apoqnmua'tijik naji-ankamulniew.

## Mijua'ji'jk aqq 911

Kina'muk mijua'ji'jk ta'n tel-we'wmumk 911 aqq mu maliko'tmnew. Kinua'tu 911 na wjit Na'talitpiaq teliaq.



# EKINA'MASIMK WJIT 911

## MATTAQA'TEKEWUT 911 na pasik wjit Na'talitpiaq

Ankmayiw mattaqa'tekew 911 elmiaq we'kwata'sin, kesnukwan kiswa nesutmn kutmo'taqn kiswa ta'n teleyin.

Mu awtinuk mattaqa'tekewt 911 tlia'j ewe'wmn mattaqte'kney suliewey wesua'toq.

Kisi-mattaqa'tekewjik 911 ta'n pasik tett eyrn No'pa Sko'sia aqq ta'n pasik teken mattaqte'kemkewey ewe'wmn.

Elmiaq mattaqa'tekewt 911 keknue'k ula koqoey tla'teken.

Siaw-naspik wen etlewistuoq 911 aqq tlim msit koqoey ta'n pipanimisk.

Pipanimulten:

- Taliaq
- Kiljaqne'l nastek kiquaq, ta'n teluisik awti, wutanaqq maqamikew ta'n tett wikin.
- Ketloqo na kiljaqne'l mattaqte'kney ta'n eyrn.

Ta'n wen etlewistuoq 911 nasa'lataq nuji-nqasui'ka'tijik, nuji-kla'qa'lua'tijik kiswa wenik a'spitlk ela'luejik kikjuk ta'n eyrn.

Tlewistuk nekmowk aqq kinua'tu me' koqoey nuta'q kijitunew.

## MATTAQA'TEKEWUT 911 Ewe'wmn mattaqte'kney

Ta'n wen etlewistuoq kijittew

- tami wikin
- mattaqtekneym tlia'j mu wikasinuk tami kiljaqne'l wjit mattaqtekneym.
- nuji-kla'qa'lua'tijik, nuji-nqasui'ka'tijik kiswa apoqnmua'tijik wenik kikjuk ta'n eyrn.

Mu kisewistu'n, l'kimaten apoqnmua'tijik wenik ta'n tett ewikasik wikin.

Kelu'k kijitun: Ala'te'n newte'jk mattaqte'kney wetnastaqtek kelpilasikewey. Elmiaq naqasuetestamk ma' lukwenuk kelpilasikewey mattaqte'kney. Pipanikesi ta'n weji-apanikitmn wjit mattaqte'kney keloqo lukwektn elmiaq naqasuetestamk.



## MATTAQA'TEKEWUT 911 Ewe'wmn ala'tumkewey mattaqte'kney

Ta'n wen etlewistuoq kijittew

- Ta'n eyrn

Ta'n wen etlewistuoq nuta'tew

- kinua'tuan awmsa ta'n eyrn kulaman kisi-tlimataq apoqnmua'tijik wenik – kinua'tu awmsa ta'n eyrn kiswa koqoey piluey nuta'q kijitun kulaman we'ju'ltaq.

## MATTAQA'TEKEWUT 911 Ewe'wmn kompu'tley mattaqte'kney VoIP

Elmiaq mattaqa'tekewt 911 ewe't kompu'tl nuta'q kijitun

- Jiptuk ma nenmukl ta'n wen etlewistuoq kiljaqne'l wjit mattaqte'kneym.
- Jiptuk ma l'kitasinuk mattaqte'knm 911 etek No'pa Sko'sia – amujpa pipanimt ta'n weji apanikitmn ta'n tel-maliaptmi'titl mattaqte'kn eliaql 911.
- Elmiaq naqasuetestamk kiswa mu lukwenuk internet ma' lukwenuk mattaqte'kney.

## MATTAQA'TEKEWUT 911 Ewe'wmn ewi'kikemkewey wjit wenik kepistaqna'tijik kiswa ewli'sultijik.

Ke'sk mna'q kisi-wekasiwun ula , amujpa

- Ekinua'tajik kiljaqne'l ta'n weja'tu'n ala'tu'n mattaqte'kney.
- Ketloqo wla'sin ala'tu'n mattaqte'kney wjit ewi'kikemk.

911 kinua'tuaten wi'kika'tinew elmiaq mattaqa'tekewj.

